

宋·楊

簡撰

易學叢
書續編

楊

氏

易

傳

廣文書局印行

中華民國六十三年九月初版

易學叢
書續編

楊氏易傳

裝精全一冊定價新台幣：三百元

版權所有
不准翻印

撰者

楊

簡

發行人

王

道

榮

發行所

廣文書局有限公司

經銷者

全國各大書局

臺北市羅斯福路二段九號之三
郵政劃撥二一九九帳號
電話三四九六六〇號

內政部出版業登記證內版台業字第一三二四號

楊氏易傳

四明張氏約園開雕

先生性理淵深學識神妙世所罕之二大
山文樞其弟子時於此山先生授徒處
諸君子居仲說如游先生堂衣冠處
先生應任元官理四州州性富傳生傳
綱維其有理遠無平縣務切本族夫朝
德科轉轉會科署樓本都紀官改軍器
工部郎官轉制本大夫授官議閣轉制
監帶士元州吏沈州防官置銀院轉制官
轉制職大夫再轉制謀大夫忠節轉官
華文閣直學士後奉命修飾者實編綱
華士七十餘歲任奉春八十有六贈正奉
大夫益文元履鞋西南奉祝貴童子召伴
亦中進先生行官有母孫乙孫說記原記
義廷家祀祭祀理是權說石也家記之易
修廷等書論治得最惠者五至者八歲文
無存元書院忠大夫祀也祠之者復斷家
史又外正書廟有祠祀敬崇德誠官等
書院祠堂春有祀神敬崇德誠誠誠
畢詳觀是意也
岳州岳州山是官一誠尊敬崇德誠
臨民若如志也中書院所官四方是夫
臨漢士出身中書大夫授官所南奉
政院督北院南院學政院學政院建
元歸六年庚辰四月初四日翰林院中
中子科於開州開州書官 謝史行書
林德也集 楊本行理錄



贊一

明黃潤玉

孟清

慈湖啓者象山是宗一誠貫澈萬
象昭融臨民若神處已即易巍然
宮祠四方是式

贊二

明李堂 堇山

先生之孝 徹微究玄 友承忠
信象山嫡傳 守正不阿 穆陵

之對處 已臨民維禮為配

民國二十一年正月三原于右任錄

四庫全書提要

楊氏易傳二十卷

宋楊簡撰簡字敬仲慈谿人乾道五年進士官至寶謨閣學士大中大夫事蹟具宋史道學傳是書爲明劉日升陳道亨所刻案朱彝尊經義考載慈湖易解十卷又己易一卷書名卷數皆與此本不合所載自序一篇與此本卷首題語相同而無其前數行亦爲小異明人凡刻古書多以私意竄亂之萬曆以後尤甚此或曰升等所妄改歟其書前十九卷皆解經文第二十卷則皆泛

論易學之語亦閒有與序文相複者今既不睹簡之原本亦莫詳其何故也簡之學出陸九淵故其解易惟以人心爲主而象數事物皆在所略甚至謂繫辭中近取諸身一節爲不知道者所爲作非孔子之言故明楊時喬作傳易考竟斥爲異端而元董真卿論林栗易解亦引朱子語錄稱楊敬仲文字可毀云云實簡之務談高遠有以致之也考自漢以來以老莊說易始魏王弼以心性說易始王宗傳及簡宗傳淳熙中進士簡乾道中進士皆孝宗時人也顧宗傳人微言輕其書僅存不甚

爲學者所誦習簡則爲象山弟子之冠如朱門之有黃
幹又歷官中外政績可觀在南宋爲名臣尤足以籠罩
一世故至於明季其說大行紫溪蘇濬解易遂以冥冥
篇爲名而易全入禪矣夫易之爲書廣大悉備聖人之
爲教精麤本末兼該心性之理未嘗不蘊易中特簡等
專明此義遂流於恍惚虛無耳昔朱子作儀禮經傳通
解不刪鄭康成所引讖緯之說謂存之正所以廢之蓋
其名旣爲後世所重不存其說人無由知其失也今錄
簡及宗傳之易亦猶是意云

序

清四庫以楊慈湖之學出陸象山故其解易惟以人心爲主而象數事物皆在所略明楊時喬作傳易考竟斥爲異端而元董真卿至謂慈湖文字可毀且以慈湖與王宗傳宗旨相同祖尙玄虛以闡發義理宋儒掃除古法實從是萌芽然胡程祖其義理而歸諸人事故似淺近而醇實慈湖與宗傳祖其玄虛而索諸性天故似高深而幻窅余竊以爲不然夫易之學事物象數義理三者固不可廢者也慈湖偏於義理則有之必謂其幻窅

則門戶之見也慈湖既作己易以天地萬物備於一己已有其易則易道由一己而充之者也悟諸己而易理皆備孔子言性不可得聞蓋恐門弟子所不及非不言性也曰余欲無言又曰天何言哉四時行焉百物生焉然則孔子亦將譏以幻盲乎慈湖開宗明義曰物有大小道無大小德有優劣道無優劣其心通者洞見天地人物盡在吾性量之中而天地人物之變化皆吾性之變化尙何本末精麤大小之間其傳易之旨盡此矣且其釋乾卦也曰唐虞之三事曰正德曰利用曰厚生厚

生者養生之事利用者器用於人爲利是二者皆有正德焉因明人之道心是謂正德人心卽道故舜曰道心孔子曰夫易所以崇德而廣業也慈湖之意利用厚生以正德爲先而廣業以崇德爲本所以事親所以事長所以臨下所以使民所以應酬萬端何莫不由此乎民生蚩蚩安知易道人惟見事而不見道聖人於是乎不得不推窮其始導人思其所始而忽覺焉則乾在我矣天在我矣雲之所以行者我也雨之所以施者我也天與人通其易之精蘊乎非慈湖發之而誰發之且曰天

地之間羣分類聚各有所欲其勢必至於爭爭而不已
必至於相傷其甚者相殺相亂其勢必相與爲公以求
決於公明之人嗚呼今日之天下知有事而不知有道
之天下也亦相殺相亂之天下也天下之變固有不得
已消息盈虛咸有其勢芒芒萬物難於辨明復其見天
地之心乎人心卽天地其公明固自在也讀慈湖易傳
庶有以救之因書以爲序時民國二十一年二月後學

張壽鏞

楊慈湖先生易傳敘

昨秋余入南銓選部陳君以所刻蘇長公易傳相示余
讀而卒業已謂奇矣頃之封司劉君功司陳君復刻楊
敬仲易傳成屬余敘余讀之又一奇也獨斯傳也明所
學也余不學其何敢敘然學不可以終棄則傳言學者
不敢不致意也敘何可已夫易道大矣自周孔而後微
言絕而程朱傳行謂可以盡易而易有所不可盡也今
觀蘇氏傳雖未必盡合易旨然借易以發其自有之奇
其識雋其文雄往往道人所未經道其卒傳宜也楊氏